



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 92. Administrator Pragensi Ecclesiæ a Papa datus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV. erroribus imbuisset, & contra Romanam
A.C. 1459. Ecclesiam falsis detractionibus animum
 ejus prævenisset, Regi persuadens, suam
 sectam a Concilio Basileensi per *compa-*
ctata (uti vocabant) non minus fuisse ap-
 probatam, ac Catholicam; cum tamen
 neque Hussitarum ullus hisce pactis un-
 quam stetit. Quare Rex hac fiducia
 delusus, cuncta maluit subire pericula,
 quam primitus imbibitam hæresin de-
 ferere.

§. XCII.

*Administrator Pragensi Ecclesie a
 Papa datus.*

Cochl. Hist. Interea novi turbarum motus fuscitan-
Hussit. lib. 2. tur in Bohemia, eoquod Pius Ponti-
 fex Wenceslaum Decretorum Doctorem,
 ac Ecclesie Pragensis Catholicæ Deca-
 num Pragam decrevisset, datis literis a-
 postolicis, quibus declarabatur ejusdem
 Ecclesie Administrator, Igitur Decanus
 Roma Pragam petit, cum vero deman-
 dati sui muneris literas in publico con-
 fessu recitari jussisset, Proconsul Pragen-
 sis, aliique Rochisanæ Fautores omni
 ope & opera eidem obluctantur, caussa-
 ti, Archiepiscopalem Ecclesiam jam a
 tempore Sigismundi Imperatoris Rochi-
 sanæ promissam esse, se ergo neminem
 præter illum solum unquam admisso-
 rum. His econtra Catholici acriter resistebant;
 cum

cum autem Rex ab utraque parte in auxilium vocatus, importunis precibus pulsaretur, spondit, tam hos, quam illos a se potenter protegendos, nihilominus tamen rem indecisam reliquit. Unde factum, ut multo tempore Ecclesiae Administratorum unus esset Catholicus, alter Hussita. Sub idem tempus Rochisana, ut sectam suam ab orthodoxa doctrina haud multum discrepare Catholicis persuaderet, prolixum edidit tractatum de Sacramentis secundum fidem Ecclesiae universalem adversus Taboritarum errores. Nunc vero ad Pii Pontificis iter redeamus.

§. XCIII.

Papa a Cosmo Medicæo Florentiæ exceptus.

Igitur Papa Senis Florentiam contendit, ubi celebris ille Cosmus, sive Cosmas summum Pontificem maximis honorum ac magnificentiae signis excepit. Is ex nobilissima Medicæorum Familia natus, eo tempore pro summo imperio Rempublicam moderabatur, ac divitiis in tota Europa nemini ex Nobilibus secundus erat. Primam lucem aspexerat Anno millesimo trecentesimo nonagesimo nono die vigesima septima Septembris, dein in supremum Florentinæ Reipublicæ signiferum electus, & completis ætatis suæ annis

hexa-

Sæcul. XV.
A. C. 1459.

Paul. Jov.
alog. lib. 7.
Gobel. Pers.
Comment.
Pii II. lib. 2.